



12 AUG, 2025

Pertimbang tenaga nuklear sebagai tenaga baru negara

Harian Metro, Malaysia



Johor Bahru: Kerajaan sedang menilai peranan tenaga nuklear sebagai satu daripada pilihan berpotensi untuk penjaan elektrik yang bersih, stabil dan kompetitif dalam campuran tenaga negara.

Timbalan Perdana Menteri, Datuk Seri Fadillah Yusof, berkata langkah itu susulan pembentangan Rancangan Malaysia Ke-13 (RMK13), 31 Julai lalu.

“Penilaian itu mengambil kira keperluan mempelbagaikan sumber tenaga, mengukuhkan keselamatan tenaga jangka panjang, menyokong sasaran pengurangan pelepasan karbon, dan mengurangkan kebergantungan kepada bahan api fosil.

“Ia sejajar dengan komitmen perubahan iklim negara serta peningkatan permintaan tenaga yang semakin berkembang.

“MyPOWER Corporation sebagai Organisasi Pelaksana Program Tenaga Nuklear (NEPIO) diberi tanggungjawab menyelaras persediaan mengikut panduan Agensi Tenaga Atom Antarabangsa (IAEA), membabitkan kementerian, jabatan, dan agensi bagi memastikan pendekatan nasional yang bersepadu,” katanya ketika berucap pada Mesyuarat Tahunan ASEANTOM ke-12 di sini, semalam.

Hadir sama, Menteri Besar, Datuk Onn Hafiz Ghazi dan Menteri Sains, Teknologi dan Inovasi, Chang Lih Kang.

Mesyuarat Tahunan ASEANTOM ke-12 berlangsung selama lima hari sehingga Jumaat ini menghimpunkan ahli ASEANTOM, pemerhati, wakil IAEA selain rakan dialog



FADILLAH (tengah) bersama Onn Hafiz (kiri) ketika melawat reruai pameran pada Majlis Perasmian Pembukaan Mesyuarat Tahunan ASEANTOM ke-12, semalam.

Pertimbang tenaga nuklear sebagai tenaga baru negara

Asean.

Dalam pada itu, Fadillah yang juga Menteri Peralihan Tenaga dan Transformasi Air (PETRA) berkata, Malaysia turut menegaskan komitmennya terhadap Perjanjian Zon Bebas Senjata Nuklear Asia Tenggara (SEANWFZ).

Beliau turut menggesa negara pemilik senjata nuklear menandata-

ngani dan meratifikasi protokol berkenaan tanpa berlengah.

“Kerjasama melalui ASEANTOM, bukan sekadar teknikal tetapi bersifat strategik untuk memastikan tenaga atom menyumbang kepada pembangunan mampan, kestabilan serantau, dan kesejahteraan generasi akan datang,” katanya.

Dalam perkembangan lain, Fadillah turut melancarkan Stesen Pemantauan Air Spektrum Gamma (GSWMS) untuk dipasang di perairan negara bagi memperkukuh kemampuan negara memantau tahap radiasi dalam sumber air.

Katanya, teknologi baharu itu membolehkan pengesanan proaktif dan tindakan pantas terhadap sebarang ancaman radiologi, sekali gus melindungi komuniti dan generasi akan datang.

“
Penilaian itu
ambil kira
keperluan
mempelbagaikan
sumber tenaga
Fadillah